

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKUNGEZELELA (FAL)

IPHEPHA LESIBILI (P2)

NOVEMBA 2012

IMITLOMELO: 70

SIKHATHI: ama-iri ama-2

Iphepheli linamakhasi ali-16.

YELELA

1. Umfundi kufanele afunde ikhaseli ngokukhulu ukuyelela ngaphambi kobana aphenule imibuzo.
2. Ungalingi ukufunda iphepha lemibuzo loke. Qala ikhasi lokumumethweko elisekhasini elilandelako bese utshwaya iinomboro zemibuzo ebuzweko ngeencwadi ozifundileko kilomnyaka. Ngemuva kwalapho, funda imibuzo le bese ukhetha leyo ofisa ukuyiphendula.

3. Iphepheli LINEENGABA EZINTATHU:

ISIGABA A: Inovela (35)

ISIGABA B: lindaba ezifitjhani (35)

ISIGABA C: linkondlo (35)

4. Landela imiyalo onikelwe yona ekuthomeni kwaleso naleso sigaba ngokuyelela okukhulu.
5. Khetha IINGABA EZIMBILI uphendule ngazo. Nangabe ukhethe ISIGABA C ukatelelekile bona uphendule NGEMIBUZO EMIBILI kiso.

ISIGABA A munye umbuzo bese ISIGABA C mibili imibuzo

NOFANA

ISIGABA B munye umbuzo bese ISIGABA C mibili imibuzo

NOFANA

ISIGABA A munye umbuzo bese ISIGABA B munye umbuzo

6. Sebenzisa irhelo lokuhlola ukuqinisekisa bona yoke imibuzo uyiphendulile.
7. Tlola iinomboro zeempendulo njengombana zinjalo ephepheni lemibuzo.
8. Thoma isigaba ESINYE NESINYE ekhasini ELITJHA.
9. Isikhathi esiphakanyisiweko sokuphendula isigaba ngasinye:
ISIGABA A: Pheze imizuzu ema-40
ISIGABA B: Pheze imizuzu ema-40
ISIGABA C: Pheze imizuzu ema-40

IKHASI LETHEYIBULA LOKUMUMETHWEKO:

Ikhaseli lizokusiza abafundi kobana bakhethe imibuzo ebafisa ukuphendula ngayo ngaphandle kokufunda iphepha loke lemibuzo.

ISIGABA A: INOVELA			
Phendula NOFANA ngiwuphi umbuzo OWODWA.			
INOMBORO YOMBUSO	UMBUSO	IMITLOMEL O	INOMBORO YEKHASI
1. <i>UBonakele</i>	Umbuzo omude	35	5
NOFANA			
2. <i>UBonakele</i>	Umbuzo onemibuzo emifitjhani	35	5
ISIGABA B: IINDABA EZIFITJHANI			
Phendula NOFANA NGIWUPHI umbuzo OWODWA.			
3. <i>UZangenzani</i>	Umbuzo omude	35	8
NOFANA			
4. <i>UZangenzani</i>	Umbuzo onemibuzo emifitjhani	35	8
ISIGABA C: IINKONDLO			
Phendula NOFANA ngiyiphi imibuzo EMIBILI.			
5. Ngiyazisola	Umbuzo onemibuzo emifitjhani	17½	10
NOFANA			
6. Ithabo likuphi	Umbuzo onemibuzo emifitjhani	17½	12
NOFANA			
7. Mfundisi	Umbuzo onemibuzo emifitjhani	17½	13
NOFANA			
8. Umona	Umbuzo onemibuzo emifitjhani	17½	15

IRHELO LOKUQINISEKISA

Tlola itshwayo (√) erhelweni lokuqinisekisa elilandelako ukuhlola bona uphendule yoke imibuzo elindelekileko.

ISIGABA	IINOMBORO ZEMIBUZO	INANI LEMIBUZO EZOKUPHENDULWA	ITSHWAYO
ISIGABA A:		1	
UMBUZO 1	1		
UMBUZO 2	2.1–2.2.9		
ISIGABA B:		1	
UMBUZO 3	3		
UMBUZO 4	4.1–4.1.16		
ISIGABA C:		2	
UMBUZO 5	5.1–5.1.9		
UMBUZO 6	6.1–6.1.9		
UMBUZO 7	7.1–7.1.9		
UMBUZO 8	8.1–8.1.8		

ISIGABA A: INOVELA

Phendula umbuzo OWODWA kwaphela kilesisigaba (UMBUZO 1 nofana UMBUZO 2).

UMBUZO 1: *UBONAKELE* – M Sikosana

Umtloli wenovela uBonakele uphumelele kangangani ekukhetheni abalingisi bakhe? Hlathulula ngokuvezwa kwabalingisi (uBonakele, uNaSilombo, uMahlangu noKiller). Ipendulwakho ayibe magama ali-190 ukuya kwama-240.

[35]

NOFANA

UMBUZO 2: *UBONAKELE* – M Sikosana

2.1 Fundisisa isiqetjhana esilandelako bese uphendula imibuzo.

"Heyi, heyi NaSilombo, ufuna ukubona ini kodwana kangaka! Ungathuka umntwanami phambi kwami?"
"Mahlangu mina angilwi nawe, uyazi bonyana wena ngikuthanda kangangani kodwana ngibona ungasuthi umntwanakho lo nguyeye ozasihlukanisa ngombana nakhu wena umphatha njengeqanda lekukhu." Kwatjho uNaSilombo. Wajikisa ihloko waqala ngemlanjeni lapha kutjinge khona uBonakele. UMahlangu kwathi amgome ngamazinyo nakamizwa akhuluma naye ngendlela efana nale. Uthe nakasuka lapho wathi: "Uthini?" watjho wambandamela ungasuthi ufuna ukumdula phasi. UNaSilombo zange akunake lokho ngombana wasuka lapho wamphudlhela wathi: "Sengitjhwile! Ngithi angekhe ngalisa ukumtshwenya umntwanakho lo. Okungcono nami ungiqothe njengomfazi wakho owamqothako lo." Uthe nakaqeda ukutjho njalo, uNaSilombo, waphuma ngendlini. Waphosa ibadi ngemva kwakhe ngasuthi uqothwa manaba, waya ngemlanjeni. UMahlangu wasala abambe wangenzasi, wakhuluma yedwana.
"Angazi nami ngangingenelwe yini bona ngitlhale umfazami wokuthoma loya. Akhe uqale khona nje umntwanami selaphele kangangani. Ungasuthi akagomi kodwana abazali bakhe basaphila bobabili. Angekhe kwalunga bona umntwanami agongodwe bulwele behliziyo mina yise ngisaphila. Ngisagoma amabele! Kufanele kube khona okwenziwako msinyana."

- 2.1.1 Ubelethwa kisiphi isitjhaba begodu kiyiphi indawo uNaSilombo? (2)
- 2.1.2 UNaMndebele ubelethelwe kiyiphi indawo? (1)
- 2.1.3 Ungewakwabani umani kaBonakele? (1)
- 2.1.4 Tlola kube KUBILI okuvela esiqetjhaneni esingehla okwenziwa nguNaSilombo okutjengisa bona akanayo ihlonipho endodenakhe. (2)
- 2.1.5 Khetha ipendulo engiyo kwezingesibayeni:
UBonakele wagcina aphumelele epilweni ngombana wagcina sele amdali (webholo, weendubulo, wekarati). (1)

2.1.6 Khetha ipendulo engiyo kilezi ezilandelako:

Unobangela omkhulu kaMahlangu wokuzisola ngokutlhalana nomfazakhe wokuthoma, kukhumbula umfazakhe ngezenzo.

- A Zokweba nokungatlhogomeli umzakhe.
- B Zokutjiya uBonakele ekhaya angamenzeli ukudla.
- C Zokuhlonipha nokwazi bona umuzi uphathwa njani.
- D Zokuhlonipha indoda kodwana angazi bona abantwana balala badleni. (1)

2.1.7 Hlathulula bona uNaSilombo umkhulisa kuhle uBafunani njengomntwana na? Sekela ipendulwakho ngamaphuzu AMABILI. (4)

2.1.8 Ingabe isiqu nto esithethwe nguNaSilombo sokungabikeli bekhabo likaThokozani bona uBafunani uzithwele umntwana kaThokozani sihle na? Sekela ipendulwakho ngamaphuzu AMATHATHU. (3)

2.2 Fundisisa isiqetjhana esilandelako bese uphendula imibuzo.

"Umntwanakho yena ungangitjela bonyana wamusa kuphi? Unesibindi ndoda, sokulahla umntwana nonina ngaphandle kwesizathu ngombana ufuna ukungenza intombakho sengimdala ngingaka? Wuwi, awunamahloni!" watjho wavala ibadi, waphuma watjhinga ngemlanjeni. UMahlangu wabamba wangenzasi, wajanyelwa yihloko naye azange azi bonyana enzeni ngomfazi osele amkhwele ehloko ngendlela le. UMahlangu wasikima, wahlala phasi. Abuye asikime ajame eqadi kwebadi, abuye ahlale phasi, kwaba ngasuthi yikukhu igelagela lesikhundla sokubekela amaqanda.
"Ngaze ngazenza ngokutlhalala umfazami uNaMndebele. UNaMndebele bekumfazi oyaziko indoda. Bekangayenzi into engiyenziwa nguNaSilombo le. Bekumfazi ohloniphako nowaziko umuzi wakhe. Kulungile akaragele phambili nalokhu akwenzako kodwana lizakufika ilanga elisidlhadlha, uzakutlhoga nomgodi wokungena. UMahlangu uyacabanga "sengiphenduke iqhegu ngisemutjha kangaka. Lokhu angekhe ngikujamele."
"Baba, baba ngibawa imali yokubhadela ngesikolweni kusasa," kwatjho uBafunani ngommoya wehlonipho.
"Bafunani, ngeyani imali abayifuna esikolweni leyo?" kwabuza uMahlangu.
"Sikhamba nesikolo baba, siyokudlala ibholo ePitori. Siyokudlala nesikolo seMamelodi. "Unyoko uzakulwa nami Bafunani, angekhe ngakwazi ukukupha imali. Unyoko ungitjele bonyana e ..." athule kancani uMahlangu. Uzangiqolela Bafunani ayikho imali engingakupha yona khona nje. Anginayo imali mntwanami."

2.2.1 UMahlangu ukhuluma ngokobana usesemutjha, ingabe uneminyaka emingaki ubudala? (1)

2.2.2 Khuyini okwenzekako ngoBafunani emva kobana uMahlangu aphume kwakhe ayokufuna uBonakele nonina? (2)

2.2.3 Bayokudlala kuphi uBafunani njengombana abawa imali nje? (1)

- 2.2.4 Ungewakwabani isibongo uyise wamambala kaBafunani begodu uhlala kuphi? (2)
- 2.2.5 Tlola ibizo nesibongo somfazi wokuthoma kaMahlangu. (2)
- 2.2.6 Madanisa IKHOLOMU A nependulo yamambala etholakala KUKHOLOMU B:

IKHOLOMU A		IKHOLOMU B	
(a)	Umlingisi oyikutana oqalene nomraro wokuhlunguphazwa bewagcina abalekile kwabo.	A	UKiller
		B	UMbuyiseli
(b)	Umlingisi ovule amathuba wepumelelo yomlingisi oyikutana.	C	UBonakele
		D	UMahlangu

(2 x 1) (2)

- 2.2.7 Hlathulula bona kubayini uyise kaBonakele angaphumeleli ukusiza uBafunani ngemali yekhambo lesikolo. (2)
- 2.2.8 Hlathulula bona kuliqiniso kangangani bona uMahlangu walahla umntwana nonina ngaphandle kwesizathu? Sekela ngamaphuzu AMABILI. (4)
- 2.2.9 Ngokubona kwakho uNaMndebele uvezwe njengomlingisi onjani. Sekela ipendulwakho ngamaphuzu AMABILI. (4)

[35]

IMITLOMELO YESIGABA A: 35

ISIGABA B: IINDABA EZIFITJHANI

Phendula umbuzo OWODWA kilesisigaba (UMBUZO 3 nofana UMBUZO 4).

UMBUZO 3: *UZANGENZANI* – DM Jiyane nabanye

Hlathulula ngesizinda (isikhathi, ihlalo, ikolelo namasiko) sendatjana ethi *Uzangenzani*. Tlola amaphuzwakho ngamagama ali-190 ukuya kwama-240 usekele ipendulwakho ngokuzeleko.

[35]

NOFANA

UMBUZO 4: *UZANGENZANI* – DM Jiyane nabanye

Ukukukhamba kubona

Fundisisa isiqetjhana esilandelako bese uphendula imibuzo.

Wazihlaba ngomuno ngelihlweni uMatjhiyana ngokuthatha ikhambo lokuya ekuphumuleni. Phela uMgababa wawugcina kuseseyindawana encazana yokuphumula. Kodwana namhlanjesi ubona indawokazi ekulu eyakhiwe ngokuhlukileko. Uzwa umoya uqola ngendlela ihlanzeke ngakho. Ummoya wakhe wafikelwa kurhonona ngombana indawo ingaba yikulu ivame ukuba neenrhwerhwe zayo. Abotsotsi phela labo, nabo benza wabo umsebenzi abawaziko. Abotsotsi nasele benza umsebenzi wabo wamarhwaqela uzwa ngendoda ilila iqale phezulu. Kesinye isikhathi ingasakwazi ukulila ngombana imino isuke seyiphambana emphinjeni wendoda. Kokunye siyaye sithokoze nabayibambe bayithintitha bayitjihiya isadla amabele.

Kodwana indawo yeMgababa yabingasinjalo ngombana bekuyindawo lapha ungekhe wabona ngitjho nepholisa leli. Kanti okuthabisako kwakuvama ukuba neenkolo ezihlukeneko zilethe abantwana ukuzokuphola. UMatjhiyana wafika ngeveke yokuphela kwenyanga azimisele ukuphumula iveke tomu akhe aphumule ibhisimisi yakhe. Watheleka ntambama, watlolisa indawo yokulala wabeka iimpahla zakhe. Waphumula ngaphandle apethe umtloloncwadi wokumlibazisa. Nambala wawuzwa umoya ovela elwandle. Wazizwa umzimba wakhe uhlathuluka nengqondo iphola kamnanjana. Walibona ilanga langeLesihlanu seliyokutjhinga. Ubona ngabantu baphethe imithwadlana kungekho othini komunye.

Kwathi kungatjhinga ilanga wabona bonyana angathi ukubhambalala ngekamurweni lakhe. Athi ukulilotjhisana nangabe kukhona iinsikizi akwazi ukuzizwa kusakhanya. Nambala omdala wathi ukubhambalala eengutjeni ezinuka kamnandi wazimisela ukuthatha amalanga amabili abe selwandle athi ukupholisa umzimba. Nambala omdala wenza njengesifiso sakhe, wazipha ilanga langoMvulo wangaphuma.

- 4.1 Wabe ayokuphumula kuphi uMatjhiyana begodu yini okubangele bona akhethe indawo leyo? (2)
- 4.2 Wayezimisele ukuphumula isikhathi esingangani uMatjhiyana? (1)
- 4.3 Bobani abanye ababevamise ukuza eMgababa bazokuphola? (1)

- 4.4 Wayesebenza umsebenzi onjani uMatjhiyana? (1)
- 4.5 Kubayini uMatjhiyana acabange bona uzihlabe ngomuno ngelihlweni ngokuza eMgababa? (2)
- 4.6 Yini uMatjhiyana afika wazilibazisa ngayo ilanga lokuthoma nakayokuphumula? (1)
- 4.7 Wayenqophe ukuthatha amalanga amangaki uMatjhiyana ukupholisa umzimbakhe elwandle? (2)
- 4.8 Wabuyela nini uMatjhiyana ekhaya begodu wabuyela ngani? (2)
- 4.9 Tlola ibizo lomngani kaMatjhiyana ahlangu naye nakaya edorobheni leMgababa? (1)
- 4.10 Babebabangaki abotsotsi abasahlela uMatjhiyana ngesikhathi avakatjhele iMgababa? (1)
- 4.11 Ingabe waba yini umphumela wokuhlangana kukaMatjhiyana nomnganakhe uSithole edorobheni? Tlola amaphuzu AMATHATHU. (3)
- 4.12 Hlathulula bona uBhova uvezwe amlingisi onjani? (4)
- 4.13 Hlathulula bona ukwazi amaguduva kwakaMatjhiyana kwayisindisa njani ipilwakhe? Tlola amaphuzu abe MABILI. (4)
- 4.14 Hlathulula ngesiphetho salendatjana. (3)
- 4.15 Ucabanga bona isihloko siyakhambelana nommongo-ndaba wendatjana le? Sekela ipendulwakho ngamaphuzu AMABILI. (4)
- 4.16 Ngombonwakho khuyini umtloli afuna ukusifundisa khona ngendatjana le? Tlola amaphuzu AMATHATHU. (3)

[35]

IMITLOMELO YESIGABA B: 35

ISIGABA C: IINKONDLO

Kilesisigaba phendula imibuzo EMIBILI kwaphela.

UMBUZO 5

Fundisisa ikondlo elandelako bese uphendula imibuzo.

Ngiyazisola – JK Mahlangu

- 1 Bazali bami nangiphutha ngisesemncani,
- 2 Nangikhasisa ngatataya,
- 3 Nangifukamela njengesikhukhukazi samadzinyani,
- 4 Ngacapha isithepha ngelimu,
- 5 Kwaqina ngho ithambo.
- 6 Gadesi ngiyazisola.

- 7 Ngafuza ingwenyama
- 8 Ubuyo bungekho,
- 9 Yami ipilo yaba kubulala,
- 10 Yami ipilo yaba kuzipha,
- 11 Ngarhulutjhelwa yijele,
- 12 Gadesi ngiyazisola.

- 13 Ngangilisokana mbala,
- 14 Isiphundu sami singasoleki,
- 15 Ngazenza usiyazi
- 16 Ngingasinyanga,
- 17 Ngabona abezimu bahlubule,
- 18 Gadesi ngiyazisola.

- 19 Gadesi sengikhamba njengenyoka,
- 20 Ngikhamba ngikhukhutha,
- 21 Ngikhamba ngibhaqa,
- 22 Ngifana nomqasa ngiyazunywa,
- 23 Nabezimu bekhethu banginghalile,
- 24 Bangifulathele bangiqalile.

- 25 Ngiyazisola,
- 26 Bizani abangani bami
- 27 Bizani iinhlobo zami
- 28 Bangihloboke ngisaphila nje,
- 29 Ngafa, bazangibonela ilikade,
- 30 Ngiyazisola bazali bami ngiyazisola.

5.1 Bobani imbongi ebawa bona bazoyihloboka ingakahlongakali? (2)

5.2 Ucabanga bona imbongi ikiyiphi indawo njengobana ibalabala nje? (1)

- 5.3 Tlola izezo EZIMBILI ezisendimeni yokuthoma ezitjengisa bona abazali bambongi bayikhulisa iseseyincani. (2)
- 5.4 Buyelela utlole imida elandelako bese uthalela ivumelwano.
Ngikhamba ngibhaqa,
Ngifana nomqasa ngiyazunywa, (2)
- 5.5 Zalisa isikhala ngegama elifaneleko.
Imbongi iveze bonyana iyazunywa, izunywa ...
A Njengenyoka.
B Njengengwenyama.
C Njengesikhukhukazi.
D Njengomqasa. (1)
- 5.6 Ingabe umuda othi, 'yami ipilo yaba kuzipha' uhlathululani? (2)
- 5.7 Tlola umuda otholakala endimeni yesi-5 ohlathulula bona imbongi abantu sebayilahlile begodu abasanandaba nayo. (2)
- 5.8 Hlathulula bona kubayini imbongi ibuyelele umuda othi, gadesi ngiyazisola? (2)
- 5.9 Ucabanga bona ikondlo le imumethe wuphi ummoya? Sekela ipendulwakho ngamaphuzu AMATHATHU. (3½)
[17½]

NOFANA

UMBUZO 6

Fundisisa ikondlo elandelako bese uphendula imibuzo.

Ithabo likuphi? – JN Malobola

- 1 Ithabo likhuphi?
- 2 Barhuwelela babhibhidlhe'igwebu,
- 3 Bathi' iKosi' ikhona:
- 4 Baphephile babulungekile.
- 5 Maye, iinhliziyi lidwala,
- 6 Manwabu welanga nobusuku,
- 7 Badlal'umdlalo wokuphila
- 8 Ukufa kubaqalile.

- 9 Mina bengithi baqalile bayabona,
- 10 Mina bengithi bayaya
- 11 Kanti bayabuya,
- 12 Babuya basithi bayaya,
- 13 Emini baz'umakghokgho ikukufa,
- 14 Latjhingana ngumlamuleli wezifo,
- 15 Latjhingana ikosi nguye.

- 16 Pepe-pepe-pepe-pepe...!
- 17 Pepeza makghokgho beze kuwe,
- 18 Bathukule, barhayebafuthe,
- 19 Basale batshetlha njengomlotha,
- 20 Bakwaz'ukutjho bona iKos'ikhona.
- 21 Batjho bayifulathele,
- 22 Ikosi kunguwe makghokgho;
- 23 Mina ngidanile.

- 24 Mina bengith'iKosi'inabo,
- 25 Nabo batjho njalo banjengeengilozi,
- 26 Kghani kunjalo?
- 27 Batjho basikhohlisa bathi bayazi,
- 28 Do, abakwaziko kungazi,
- 29 Kungazi iKosi nomkhanyo wayo.

- 30 Ngikhanuka isango laphetjheya
- 31 Livuleke ngeyamele kibobamkhulu,
- 32 Ngikhohlwe ngamakholwa anzinyana,
- 33 Ukukhuza akusizi,
- 34 Ukuratharatha lilize,
- 35 Amakholwa ayakholwa.

- 36 Ithabo likuphi?
- 37 Ngikhanuka ukulalela umlalelafuthi,
- 38 Akusizi iinsizi ziyangidisela,
- 39 Ipilo inzima sabusuku, ngidanile;
- 40 Bayaphi abaleleko?
- 41 Abungithathe ubuthongo ngilale.

- 6.1 Bobani imbongi eqalise kibo bona barhuwelela babhibhidlthe igwebu? (1)
- 6.2 Ngubani umakghokgho imbongi eqalise kuye ekondlweni? (1)
- 6.3 Tlola izinto EZINTATHU ezenziwa ngumakghokgho lokha abantu nabeze kuye. (3)
- 6.4 Ingabe itjho ukuthini imbongi nayisithi; "Ngikhanuka ukulala umlalelafuthi"? (2)
- 6.5 Tlola isithombengqondo esivezwe emdeni olandelako:
Ukufa kubaqalile. (2)
- 6.6 Khetha ipendulo enembako kezingenzasi.
Igama elithi iKosi elisetjenziswe ekondlweni lijamele:
A Inyanga
B Umlamuleli
C UZimu
D Umzimu (1)
- 6.7 Kubayini imbongi ithi abantu manwabu welanga nebusuku? (2)
- 6.8 Hlathulula ummoya wekondlo le. Sekela ipendulwakho ngomuda OWODWA. (2½)
- 6.9 Ucabanga bona ikondlo le ikhuluma ngani? Tlola amaphuzu AMATHATHU. (3)
[17½]

NOFANA

UMBUZO 7

Fundisisa ikondlo elandelako bese uphendula imibuzo.

Mfundisi – JM Masango

- 1 Lakh'ilizwi ngelekabi,
- 2 Lakh'ilizwi liyahlaba,
- 3 Lakh'ilizwi liyasabeka
- 4 Lakh'alifani newethu,
- 5 Elitsoyiza nga madzinyani;
- 6 Sabona wena siyazithoba,
- 7 Omkhulu nguwe mfundisi.

- 8 Ngelakh'ilizwi siyaduduzeka,
- 9 Lirathul, amatluwo.
- 10 Litjhis'iinkhotha zommango,
- 11 Lithusa namabhubezi;
- 12 Liphadlh'amadwala:

- | | |
|----|-----------------------------------|
| 13 | Liza laph'ilizwi lakho |
| 14 | Mfundisi'omkhulu. |
| 15 | Ilizwi lakh' elihlabako, |
| 16 | Litjhugulul'iphasi, |
| 17 | Lisale nga yisim'ephenduliweko, |
| 18 | Amagade nga ziintaba ze-Golokoda, |
| 19 | Zibomvu' isibomvu selizwi lakho, |
| 20 | lintjalo zithambebe |
| 21 | Wakh' umthetho mfundisi. |
| 22 | Rhatjha itjumayelo kaZimu, |
| 23 | Irhatjhe nakeyakho isimu, |
| 24 | Ungatjhiy' itempele lakho, |
| 25 | Ligome okugomako, |
| 26 | Liyelele okuyelelako, |
| 27 | Ihlikihlik' iphelelwe |
| 28 | Yindawo mfundisi. |
| 29 | Akhe ngibuze mfundisi, |
| 30 | Awusuy'umalusi welizwi? |
| 31 | Uphi wakh'umongo welizwi? |
| 32 | Uphi wakh' umhlambi welizwi? |
| 33 | Intangalu yemb' umgodu |
| 34 | Ingawulali mfundisi |
| 35 | Wen' umkhulu mfundisi. |

- 7.1 Khuyini okwenziwa lilizwi lomfundisi ebantwini ukuya ngokwendima yesibili? (2)
- 7.2 Buyelela utlole imida elandelako bese uthalela ivumelwano bewutjho nokobana mhlobo bani wevumelwano:
Ligome okugomako,
Liyelele okuyelelako, (2½)
- 7.3 Ikondlo ikhuluma ngamuphi umfundisi? (2)
- 7.4 Umfundisi ongasizakaliko ngelizwi alitjhumayelako ufaniswa nasiphi isibandana ngokuya ngokwendima yesihlanu? (1)
- 7.5 Tlola isithombengqondo esimumethwe mumuda olandelako:
Elitsoyisa ngamadzinyani. (2)
- 7.6 Itjho ukuthini imbongi nayisithi ilizwi lakho elihlabako litjhugulula iphasi? (2)
- 7.7 Igama elisemdeni wama-23 elithi isimu lisijameleli. Tlola igama elilijameleko. (1)
- 7.8 Tlola umqondo ovezwa mumuda olandelako:
Uphi wakho umhlambi welizwi? (2)
- 7.9 Ucabanga bona mlayezo bani imbongi ezama ukusidlulisela wona? (3)

[17½]

NOFANA

UMBUZO 8

Fundisisa ikondlo elandelako bese uphendula imibuzo.

Umona – MS Ntuli

- 1 Nguhliziyokul' umafela-ngendeni,
- 2 Sihlub' abany' iimpiko
- 3 Angazenzel' yena.
- 4 Ngumarhudul' amehlw'abomvu;
- 5 Wamalangab' atjhisa kutjhisa'
- 6 Abe makhaza kumakhaza.
- 7 Ngunyawo liphapha phezulu,
- 8 Nguhloko sithaya phasi.

- 9 Nguhliziyo silal' emini, sivuk' ebusuku;
- 10 Sirhulurhulu sirhuluphel' umnyama
- 11 Uphetjhulwa mumoya,
- 12 Urhurhulwa mamanzi;
- 13 Upheka kuphakululwa, uphakulula kuphekwa.
- 14 Akwenzako kwaziwa nguye, umona.

- 8.1 Ingangani ihliziyo yomuntu onomona ngokuya ngokwembongi ekondlweni engehla? (1)
- 8.2 Tlola ezinye izitho zomzimba EZIMBILI imbongi ezingathekisa nomuntu onomona endimeni yokuthoma. (2)
- 8.3 Dzubhula imida EMIBILI ekondlweni ehlathulula bona umuntu onomona akakghoni ukudzimelela entweni eyodwa. (2½)
- 8.4 Tlola isithombengqondo esisetjenziswe nakurhaywa ikondlo le, bewudzubhule nomuda OWODWA endimeni yokuthoma ukusekela ipendulwakho. (2)
- 8.5 Uyini ummongondaba wekondlo le? Tlola amaphuzu AMABILI. (4)
- 8.6 Tlola ubukondlo obuvezwe yimbongi kilemida elandelako?
Upheka kuphakululwa, uphakulula kuphekwa. (2)
- 8.7 Khetha ipendulo eyodwa enembako kezilandelako.
Imbongi nayithi "Sihlub' abany' iimpiko" itjho ukuthi umuntu onomona:
A Unehliziyo ehle.
B Unokuthula.
C Uthanda ukusetjenzelwa ngabanye abantu.
D Uthanda ukwenzela izinto emsitheleni. (1)

8.8 Ingabe umona uyamphumelelisa umuntu? Sekela ipendulwakho
ngamaphuzu AMATHATHU.

(3)
[17½]

IMITLOMELO YESIGABA C: 35
INANI LOKE: 70